



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

Broj: 20-04-18-507/21  
Sarajevo, 22.03.2021. godine

**SKUPŠTINA KANTONA SARAJEVO**  
**KABINET PREDSDJEDAVAJUĆEG SKUPŠTINE KANTONA SARAJEVO**  
*n/r Predsjedavajućeg Skupštine - Elvedin Okerić*

**PREDMET:** Informacija, dostavlja se.-

**VEZA:** Akt Skupštine KS, broj: 01-04-6550-3/21 od 03.03.2021. godine

Uredbom o osnivanju Ureda za borbu protiv korupcije i upravljanje kvalitetom Kantona Sarajevo - Prečišćeni tekst ("Službene novine Kantona Sarajevo", broj 40/20), propisane su nadležnosti Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured). Član 5. citirane Uredbe propisuje da je Ured nadležan za preduzimanje aktivnosti na prevenciji korupcije kao i prikupljanju podataka i informisanju nadležnih o uočenim radnjama koje mogu imati koruptivne elemente, te za postupanje po prijavama prema institucijama u svrhu provjere, prikupljanja podataka i prosljeđivanja istih nadležnim organima i institucijama.

Dana 10.03.2021. godine, Ured je zaprimio akt Skupštine Kantona Sarajevo, broj: 01-04-6550-3/21 od 03.03.2021. godine, odnosno zastupničko pitanje zastupnice u Skupštini Kantona Sarajevo Admele Hodžić u kojem je zatražila da joj se dostavi „informacija o provođenju postupka podnešene prijave dana 02.12.2020. godine zbog sumnje u određene nepravilnosti prilikom dodjele sredstava Ministarstva privrede Kantona Sarajevo, a koja se odnose na javni poziv za finansiranje dijela minimalne mjesečne neto plaće za mjesec april i maj 2020. godine“. S tim u vezi, sačinjava se informacija kako slijedi.

Dana 02.12.2020. godine u prostorije našeg Ureda pristupila je Admela Hodžić, zastupnica u Skupštini Kantona Sarajevo, te prijavila Uredu da je tokom provođenja Javnog poziva Ministarstva privrede KS za dodjelu sredstava za finansiranje dijela minimalne neto plaće (u FBiH) za mjesec april i maj 2020. godine došlo do nepravilnosti, na način da su zbog neprecizno i nejasno određenih kriterija i uslova u Javnom pozivu određene firme nepravedno ostale uskraćene za novčanu podršku. Navedene nepravilnosti, prijavitelj - Admela Hodžić je uočila kroz učestvovanje u radu komisije za rješavanje po prigovorima poslovnih subjekata.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217

Sarajevo, Reisa Džemaludina Čauševića 1



Postupajući po zaprimljenoj prijavi, Ured je u okviru svojih nadležnosti (sa aspekta uočavanja i prevencije korupcije) izvršio uvid u relevantnu dokumentaciju i propise, te je tom prilikom došao do sljedećih podataka i zaključaka:

-Dana 05.06.2020. godine, Ministarstvo privrede Kantona Sarajevo je na svojoj web stranici objavilo Javni poziv za dodjelu sredstava za finansiranje dijela minimalne mjesečne neto plaće (u FBiH) za mjesec april i maj 2020. godine. Javni poziv je raspisan na osnovu člana 2. Uredbe Vlade Kantona Sarajevo o postupku finansiranja dijela minimalne mjesečne neto plaće (u FBiH) za mjesec april i maj 2020. godine („Službene novine Kantona Sarajevo“, broj 21/20).

-Dana 22.06.2020. godine, Ministarstvo privrede Kantona Sarajevo je donijelo Rješenje o imenovanju Tima za obradu i kontrolu podataka te ocjenu o ispunjavanju uslova po prispjelim zahtjevima zaprimljenim po Javnom pozivu. Prema dostupnim podacima, većina članova Tima su predstavnici Privredne komore Kantona Sarajevo.

-Dana 03.08.2020. godine, Vlada Kantona Sarajevo je donijela Odluku o odobravanju i isplati sredstava za finansiranje dijela minimalne mjesečne neto plaće (u FBiH) za mjesec april i maj 2020. godine (ukupan iznos je 7.525.413,00 KM). Prilog Odluci Vlade KS čini lista poslovnih subjekata koji ispunjavaju uslove (ukupno 1738 subjekata).

-Dana 04.08.2020. godine, Ministarstvo privrede Kantona Sarajevo je na svojoj web stranici objavilo: Listu poslovnih subjekata koji ispunjavaju uslove po Javnom pozivu za finansiranje dijela minimalne plaće za mjesec april i maj 2020. godine; Listu poslovnih subjekata koji ne ispunjavaju uslove po Javnom pozivu za finansiranje dijela minimalne plaće za mjesec april i maj 2020.godine i Spisak poslovnih subjekata bez prava učešća po Javnom pozivu za finansiranje dijela minimalne plaće za mjesec april i maj 2020. godine. (NAPOMENA: Poslovni subjekat koji smatra da je njegovo pravo povrijeđeno u postupku izbora korisnika sredstava mogao je uložiti prigovor Komisiji putem Ministarstva privrede Kantona Sarajevo, u roku od sedam dana od dana objave lista poslovnih subjekata).

-Dana 10.09.2020. godine, Vlada Kantona Sarajevo donijela je Rješenje o imenovanju Komisije za rješavanje po prigovorima, uz napomenu da je Komisija prvobitno bila imenovana već dana 30.07.2020. godine, međutim zbog određenih opravdanih okolnosti dva člana Komisije su u međuvremenu morala biti zamijenjena, što je odgodilo početak rada Komisije.

-U periodu od 15.09. do 22.10.2020. godine, Komisija za rješavanje po prigovorima održala je 15 radnih sastanaka, na kojima je Komisija detaljno razmatrala svaki prigovor, i to: ukupno 433 prigovora. Komisija je sačinila spisak prihvaćenih i spisak odbijenih prigovora. U toku obrade prigovora pristiglih od strane poslovnih subjekata, Komisija je uočila nejasnoću oko toga da li se ocjenjivanje visine i pada prometa pravnih lica vrši isključivo prema sjedištu pravnog lica ili povezano u odnosu sa poslovnim jedinicama, što je izazvalo sumnju da su zbog neprecizno i nejasno određenih kriterija i uslova u Javnom pozivu određene firme eventualno nepravedno ostale uskraćene za novčanu podršku. Budući da Komisija po upućenom zahtjevu nije blagovremeno dobila uputu (tumačenje) od Ministarstva privrede i Vlade KS, postupak rješavanja prigovora je nastavljen i okončan uz pojedinačno izjašnjavanje članova Komisije.

-Dana 03.12.2020. godine, Vlada Kantona Sarajevo je donijela Odluku o odobravanju i isplati sredstava za finansiranje dijela minimalne mjesečne neto plaće (u FBiH) za mjesec april i maj 2020. godine poslovnim subjektima čiji su prigovori prihvaćeni (ukupan novčani iznos je 544.852,00 KM). Prilog Odluci Vlade KS čini lista poslovnih subjekata čiji su prigovori prihvaćeni (ukupno 76 subjekata).



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217

Sarajevo, Reisa Džemaludina Čauševića 1



- Na osnovu svega navedenog, **Ured u ovom trenutku smatra da u opisanom slučaju (postupak provođenja Javnog poziva) ne postoje indicije koje ukazuju na povredu zakona, niti da postoji koruptivni rizik.**
- Učešće u ovom javnom pozivu je bilo otvoreno, na jednakim osnovama, za sve registrovane poslovne subjekte, sa ciljem ublažavanja negativnih ekonomskih posljedica na privredu u Kantonu Sarajevo izazvanih coronavirusom (COVID-19). Poslovni subjekti koji su smatrali da je njihovo pravo povrijeđeno u postupku izbora korisnika sredstava mogli su uložiti prigovor drugostepenoj Komisiji. Ured smatra da su Tim za obradu i kontrolu podataka te ocjenu o ispunjavanju uslova po prispjelim zahtjevima zaprimljenim po Javnom pozivu, kao i drugostepena Komisija, postupali na najbolji mogući način, poštujući principe pravičnosti i ekonomičnosti. Ured nije uočio nepravilnosti u smislu da su Tim i/ili Komisija postupali na način da se određeni poslovni subjekat, tendenciozno ili nepravedno, stavi u povoljniji, odnosno nepovoljniji položaj. Pravo poslovnih subjekata na učešće u javnom pozivu nedvosmisleno je u dovoljnoj mjeri bilo zaštićeno.
- Izostanak blagovremenih uputa (tumačenja) od strane nadležnog Ministarstva i Vlade KS u vezi primjedbi Komisije oko obračuna ukupnog prometa poslovnog subjekta može se opravdano smatrati nedostatkom i propustom, međutim, u konačnici te okolnosti nisu mogle bitno povećati vjerovatnost koruptivnog ponašanja. Sugestija Komisije da Ministarstvo privrede Kantona Sarajevo po mogućnosti objavi novi Javni poziv za poslovne subjekte koji su zbog navedenih spornih okolnosti eventualno isključeni iz prava za finansiranje dijela neto plaće, kao takva, stoji i u daljoj je nadležnosti tog Ministarstva.  
U tom kontekstu, Ministarstvo privrede Kantona Sarajevo je, dana 23.12.2020. godine, u obavljenom Javnom pozivu za dodjelu sredstava za finansiranje dijela minimalne mjesečne neto plaće (u FBiH) za mjesec juni i juli 2020. godine preciznije i jasnije odredilo uslove za učešće po ovom Javnom pozivu, posebno u pogledu pitanja obračuna ukupnog prometa poslovnog subjekta.
- Dana 03.02.2021. godine, Ured je od strane Ministarstva privrede Kantona Sarajevo obaviješten da će Ministarstvo privrede uputiti zahtjev Budžetskom inspektoratu da po slučajnom uzorku poslovnih subjekata izvrši kontrolu namjenskog utroška budžetskih sredstava koja su im uplaćena za isplatu dijela neto plaće za mjesec april i maj 2020. godine.
- U skladu sa svojim nadležnostima, Ured će nastaviti s prikupljanjem relevantnih podataka u vezi postupka provođenja predmetnog Javnog poziva i postupanja nadležnih organa, a sve s ciljem eventualnog uočavanja i sprečavanja radnji koje mogu imati koruptivne elemente.

NAPOMENA: Predmetna informacija sačinjena je od strane Ureda isključivo sa aspekta prevencije i otkrivanja eventualnih koruptivnih aktivnosti, te s ciljem detektovanja koruptivnih rizika, uz konstataciju da Ured nije stvarno nadležan da vrši nadzor nad korištenjem javnih sredstava, kako u finansijskom, tako i u pravnom pogledu.

S poštovanjem,

**PO OVI AŠTERNITI ŠEFA UREDA**

Faruk Banbegović

Dostaviti:

1. Naslovu;
2. a/a.



web: <https://vlada.ks.gov.ba>

e-mail: [uk@uk.ks.gov.ba](mailto:uk@uk.ks.gov.ba)

Tel: + 387 (0) 33 562-277

Fax: + 387 (0) 33 562-217

Sarajevo, Reisa Džemaludina Čauševića 1



